

大慧普覺禪師書卷第二十

武八

宋徑山能仁禪院住持嗣法慧日禪師正蘊聞上進

答呂舍人居

千疑萬疑只是一疑話頭上疑破則千疑萬
疑一時破話頭不破則且就上面與之廝產

若棄了話頭却去別文字上起疑經教上起
疑古人公案上起疑日用塵勞中起疑皆是
邪魔眷屬第一不得向舉起處承當又不得
思量卜度但著意就不可思量處思量心無
所之老鼠入牛角便見倒斷也又方寸若閻

但只舉狗子無佛性話佛語祖語諸方老宿
語千差萬別若透得箇無寧一時透過不著
問人若一向問人佛語又如何祖語又如何
諸方老宿語又如何永劫無有悟時也

答呂郎中隆禮

今兄居仁兩得書爲此事甚忙然亦當著忙
年已六十從官又做了更待如何若不早著
忙臘月三十日如何打疊得辦聞左右邇來
亦忙只這著忙底便是臘月三十日消息也
如何是佛乾屎橛這裏不透與臘月三十日

何異措大家一生鑽故紙是事要知博覽羣書高談闊論孔子又如何孟子又如何莊子又如何周易又如何古今治亂又如何被這些言語使得來七顛八倒諸子百家纔聞人舉著一字便成卷念將去以一事不知爲恥及乎問著他自家屋裏事並無一人知者可謂終日數他寶自無半錢分空來世上打一遭脫却這般漏子上天堂也不知入地獄也不知隨其業力流入諸趣並不知若是別人家裏事細大無有不知者士大夫讀得書多

底無明多讀得書少底無明少做得官小底人我小做得官大底人我大自道我聰明靈利及乎臨秋毫利害聰明也不見靈利也不見平生所讀底書一字也使不著蓋從上大人丘乙已時便錯了也只欲取富貴耳取得富貴底又能有幾人肯回頭轉腦向自己脚跟下推窮我這取富貴底從何處來即今受富貴底異日却向何處去既不知來處又不知去處便覺心頭迷悶正迷悶時亦非他物只就這裏看箇詰頭僧問雲門如何是佛門

云乾屎橛但舉此話忽然伎倆盡時便悟也
切忌尋文字引證胡亂搏量註解縱然註解
得分明說得有下落盡是鬼家活計疑情不
破生死交加疑情若破則生死心絕矣生死
心絕則佛見法見云矣佛見法見尚云況復
更起衆生煩惱見耶但將迷悶底心移來乾
屎橛上一抵抵住怖生死底心迷悶底心思
量分別底心作聰明底心自然不行也覺得
不行時莫怕落空忽然向抵住處絕消息不
勝慶快平生得消息絕了起佛見法見衆生

見思量分別作聰明說道理都不相妨日用
四威儀中但常放教蕩蕩迤靜處閑處常以
乾屎橛提撕日徃月來水牯牛自純熟矣第
一不得向外面別起疑也乾屎橛上疑破則
恒河沙數疑一時破矣前此亦嘗如此寫與
三
居仁比趙景明來得書書中再來問云不知
離此別有下工夫處也無又如舉手動足著
衣喫飯當如何體究爲復只看話頭爲復別
有體究又平生一大疑事至今未了只如死
後斷滅不斷滅如何決定見得又不要引經

論所說不要指古人公按只據目前直截分明指示剖判斷滅不斷滅實處觀渠如此說話返不如三家村裏省事漢却無如許多糞壞死也死得瞥脫分明向他道千疑萬疑只是一疑話頭上疑破則千疑萬疑一時破話頭不破則且就話頭上與之廝崖若棄了話頭却去別文字上起疑經教上起疑古人公按上起疑日用塵勞中起疑皆是邪魔眷屬又不得向舉起處參當又不得思量卜度但只著意就不可思量處思量心無所之老鼠

入牛角便見倒斷也寫得如此分曉了又却更來忉忉怛怛地問不知許多聰明知見向甚處去也不信道平生讀底書到這裏一字也使不著而今不得已更爲他放些惡氣息若只恁麼休去却是妙喜被渠問了更答不得也此書纔到便送與渠一看居仁自言行年六十歲此事未了問渠未了底爲復是舉手動足著衣喫飯底未了若是舉手動足著衣喫飯底又要如何了他殊不知只這欲了知決定見得死後斷滅不斷滅底便是閻家

老子面前喫鐵棒底此疑不破流浪生死未
有了期向渠道千疑萬疑只是一疑詰頭若
破死後斷滅不斷滅之疑當下冰銷瓦解矣
更教直截分明指示剖判斷滅不斷滅如此
見識與外道何異平生做許多之乎者也要

武八

四

作何用渠既許多遠地放這般惡氣息來重
人妙喜不可只恁麼休去亦放些惡氣息却
去熏他則箇渠教不要引經教及古人公案
只據目前直截分明指示斷滅不斷滅實處
昔志道禪師問六祖學人自出家覽涅槃經

近十餘載未明大意願師垂誨祖曰汝何處
未了對曰諸行無常是生滅法生滅已寂
滅爲樂於此疑惑祖曰汝作麼生疑對曰一
切衆生皆有二身謂色身法身也此乃吾色
仁同道色

身無常有生有滅法身有常無知無覺經云
生滅滅已寂滅爲樂者未審是何身寂滅何
身受樂若色身者色身滅時四大分散全是
苦苦不可言樂若法身寂滅即同草木瓦石
誰當受樂又法性是生滅之體五蘊是生滅
之用一體五用生滅是常生則從體起用滅

則攝用歸體若聽更生即有情之類不斷不滅若不聽更生即永歸寂滅同於無情之物如是則一切諸法被涅槃之所禁伏尚不得生何樂之有可與居仁武八一狀似過祖師到這裏不能臨濟德山用事遂放些氣息還他云汝是釋子何習外道斷常邪見而議最上乘法據汝所解即色身外別有法身離生滅求於寂滅又推涅槃常樂言有身受者斯乃執吝生死耽著世樂汝今當知佛爲一切迷人認五蘊和合爲自體相分別一切法爲外塵相好生惡

死念念遷流不知夢幻虛假枉受輪回以常樂涅槃翻爲苦相終日馳求佛愍此故乃示涅槃真樂剎那無有生相剎那無有滅相更無生滅可滅到此請著眼睛是則寂滅現前當現前時亦無現前之量力謂常樂此樂無有受者亦無有不受者猶般若子豈有一體五用之名何況更言涅槃禁伏諸法令永不生此乃謗佛毀法居仁亦有一分子聽吾偈曰分殊不下無上大涅槃圓明常寂照凡愚謂之死外道執爲斷諸求二乘人目以爲無作盡屬情所計六十二見

本妄立虛假名何爲眞實義居仁要見實處

唯有過量人未見其人通達無取捨居仁更疑以

知五蘊法及以蘊中我居仁在裏許

半

未出無門

外現衆

色像莫眼花一一音聲相人廉殺平等如夢幻教得

半不起凡聖見不作涅槃解亦未見其人二邊三

際斷常應諸根用而不起用想分別一切法

不起分別想劫火燒海成風鼓山相擊真常

寂滅樂涅槃相如是吾今彊言說令汝捨邪

見只肯捨汝勿隨言解居仁記取許汝知少分

只這少分也不消得志道聞偈忽然大悟葛藤只這一

絡索便是真截分明指示居仁底指頭子也居仁見此若道猶是經論所說尚指古人公案若尚作如此見入地獄如箭射

答呂舍人居仁

承日用不輟做工夫工夫熟則撞發關捩子

矣所謂工夫者思量世間塵勞底心回在乾

屎橛上令情識不行如土木偶人相似覺得

昏但沒巴鼻可把捉時便是好消息也莫怕

落空亦莫思前算後幾時得悟若存此心便

落邪道佛云是法非思量分別之所能解著

即禍生知得思量分別不能解者是誰只是箇呂居仁更不得回頭轉腦也前此答隆禮書說盡禪病矣諸佛諸祖並無一法與人只要當人自信自肯自見自悟耳若只取他人口頭說底恐誤人此事決定離言說相離心

化能與諸佛諸祖同遊寂滅大解脫光明海中成就世間出世間事只是呂居仁信不及耳若信得及請依此註脚入是二昧忽然從三昧起失却孃生鼻孔便是徹頭也

又

武八

緣相離文字相能知離諸相者亦只是呂居仁疑他死後斷滅不斷滅亦只是呂居仁求直截指示者亦只是呂居仁日用二六時中或瞋或喜或思量或分別或昏沉或掉舉皆只是呂居仁只這呂居仁能作種種奇特變

令弟子育經由出所賜教讀之喜慰可知無常迅速百歲光陰如電閃便是收因結果底時節到來也乾屎橛如何覺得沒巴鼻無滋味肚裏悶時便是好底消息也第一不得向舉起處承當又不得颺在無事甲裏不可舉

時便有不舉時便無也但將思量世間塵勞底心回在乾屎樞上思量來思量去無處奈何伎倆忽然盡便自悟也不得將心等悟若將心等悟永劫不能得悟也前此答隆禮書說盡措大家病痛矣承只置在座右若依此做工夫雖未悟徹亦能分別邪正不爲邪魔所障亦種得般若種子深縱今生不了來生出頭現成受用亦不費力亦不被惡業奪將去臨命終時亦能轉業況一念相應耶逐日千萬不要思量別事但只思量乾屎樞莫問

幾時悟至禱至禱悟時亦無時節亦不驚羣動衆即時怙怙地自然不疑佛不疑祖不疑生不疑死得到不疑之地便是佛地也佛地上本無疑無悟無迷無生無死無有無無無涅槃無般若無佛無衆生亦無恁麼說者此語亦不受亦無不受者亦無知不受者亦無恁麼說不受者居仁如是信得及佛亦只是祖亦只是生亦只是死亦只是迷亦只是疑亦只是生亦只是死亦只是日用塵勞中亦只是死後斷滅不斷滅亦只是

在朝廷作從官亦只如是官觀在靜處亦只如是住徑山一千七百衆圍達亦只如是編管在衡州亦只如是居仁還信得及麼信得及亦只如是信不及亦只如是畢竟如何如是如是如是亦只如是

八

答汪狀元

聖錫

左右妙年自立便在一切人頂顙上不爲富貴所籠羅非百劫千生願力所持焉能致是又能切切於此一大事念念不退轉有決定信具決定志此豈淺丈夫所能老瞿曇云唯

此一事實餘二則非真請著鞭不可忽世間事只這是先聖豈不云乎朝聞道夕死可矣不知聞底是何道到這裏豈容取眼不可更引吾道一以貫之去也須自信自信說得底終是無憑據自見得自悟得自信得及了說不得形容不出却不妨只怕說得似形容得似却不見却不悟者老瞿曇指爲增上慢人亦謂之謗般若人亦謂之大妄語人亦謂之斷佛慧命人千佛出世不通懺悔若透得狗子無佛性話這般說話却成妄語矣而今不

可便作妄語。會口居仁比連枚兩書書中皆
云夏中答隆禮書常置座右以得爲期。又聞
嘗錄呈左右近世貴公子似渠者如優曇鉢
華時一現耳。頃在山頭每與公說這般話見
公眼目定動領覽得九分九釐只欠因地一

武八

九

下爾若得因地一下了儒即釋釋即儒僧即
俗俗即僧。凡即聖聖即凡我即你你即我天
即地地即天波即水水即波酥酪醍醐成
一味餅盤釤鉶鎔成一金。在我不在人得到
這箇田地由我指揮所謂我爲法王於法自

在得失是非焉有圭礙不是彊爲法如是故
也此箇境界除無始老子他人如何信得及
縱信得及如何得入手。左右已信得及已覲
得見已能分別是邪是正但未得入手耳得
入手時不分老少不在智愚如將梵位直授

又

凡庸更無階級次第永嘉所謂一超直入如
來地是也但相聽決不相誤

又

某萬緣休罷日用只如此無煩轉念左右分
上欠少箇甚麼在世界上可謂千足萬足苟

能於此箇門中翻身一擲何止腰纏十萬貫
騎鶴上揚州而已哉昔楊文公大年三十歲
見廣慧璉公除去礙膺之物自是已後在朝
廷居里始終一節不爲功名所移不爲富
貴所奪亦非有意輕功名富貴道之所在法
如是故也趙州云諸人被十二時使老僧使
得十二時此老此說非是彊爲亦法如是故
也大率爲學爲道一也而今學者往往以仁
義禮智信爲學以格物忠恕一以貫之之類
爲道只管如搏謎子相似又如衆盲摸象各

說異端釋不云乎以思惟心測度如來圓覺
境界如取螢火燒須彌山臨生死禍福之際
都不得力蓋由此也楊子云學者所以修性
性即道也黃面老子云性成無上道圭峯云
作有義事是惺悟心作無義事是在亂心在
亂由情念臨終被業牽惺悟不由情臨終能
武八
轉業所謂義者是義理之義非仁義之義而
今看來這老子亦未免析虛空爲兩處仁乃
性之仁義乃性之義禮乃性之禮智乃性之
智信乃性之信義理之義亦性也作無義事

即背此性作有義事即順此性然順背在人不在性也仁義禮智信在性不在人也人有賢愚性即無也若仁義禮智信在賢而不在愚則聖人之道有揀擇取捨矣如天降雨澤地而下矣所以云仁義禮智信在性而不在人也賢愚順背在人而不在性也楊子所謂修性性亦不可修亦順背賢愚而已圭峯所謂惺悟狂亂是也趙州所謂使得十二時被十二時便是也若識得仁義禮智信之性起處則格物忠恕一以貫之在其中矣肇法師

云能天能人者豈天人之所能哉所以云爲學爲道一也大率聖人設教不求名不伐功如春行花木具此性者時節因緣到來各各不相知隨其根性大小方圓長短或青或黃或紅或綠或臭或香同時發作非春能大能或八十一小能方能圓能長能短能青能黃能紅能綠能臭能香此皆本有之性遇緣而發耳百丈云欲識佛性義當觀時節因緣時節若至其理自彰又讓師謂馬師曰汝學心地法門如下種子我說法要譬彼天澤汝緣合故當見

其道所以云聖人設教不求名不伐功只今學者見性成道而已無垢老子云道在一芥則一芥重道在天下則天下重是也左右嘗升無垢之堂而未入其室見其表而未見其裏百歲光陰只在一剎那間剎那間悟去如

著精彩不得有少間斷時時向行住坐卧處看讀書史處修仁義禮智信處侍奉尊長處提誨學者處喫粥喫飯處與之廝崖忽然打失布袋夫復何言
答宗直閣

上所說者皆非實義然既悟了以爲實亦在我以爲非實亦在我如水上葫蘆無人動著常蕩蕩地觸著便動捺著便轉轆轤地非是彊爲亦法如是故也趙州狗子無佛性話左右如人捕賊已知密向盤處但未捉著耳請快

示諭應緣日涉差別境界未嘗不在佛法中又於日用動容之間以狗子無佛性話破除情塵若作如是工夫恐卒未得悟入請於脚跟下照顧差別境界從甚麼處起動容周旋之間如何以狗子無佛性話破除情塵能知

破除情塵者又是阿誰佛不云乎衆生顛倒
迷已逐物物本無自性迷己者自逐之耳境
界本無差別迷己者自差別耳既曰涉差別
境界又在佛法中既在佛法中則非差別境
界既在差別境界中則非佛法矣拈一放一
有甚了期廣額^{武八}屠兒在涅槃會上放下屠刀
立地便成佛豈有許多忉忉怛怛來日用應
緣處纔覺涉差別境界時但只就差別處舉
狗子無佛性話不用作破除想不用作情塵
想不用作差別想不用作佛法想但只看狗

子無佛性話但只舉箇無字亦不用存心等
悟若存心等悟則境界也差別佛法也差別
情塵也差別狗子無佛性話也差別間斷處
也差別無間斷處也差別遭情塵惑亂身心
不安樂處也差別能知許多差別底亦差別
若要除此病但只看箇無字但只看廣額屠
兒放下屠刀云我是牛佛一數是實是虛若
作虛實商量又打入差別境界上去也不如
一刀兩段不得念後思前念後思前則又差
別矣玄沙云此事限約不得心思路絕不因

莊嚴本來真靜動用語笑隨處明了更無久
少今時人不悟箇中道理妄自涉事涉塵處
處染著頭頭繫絆縱悟則塵境紛紜名相不
實便擬凝心斂念攝事歸空閉目藏睛隨有
念起旋旋破除細想纔生即便過捺如此見
武八十三

解即是落空亡底外道鬼不散底死人溟溟
漠漠無覺無知塞耳偷鈴徒自欺誑左右來
喚作空劫已前事不信有悟門以悟爲誰以
悟爲第二頭以悟爲方便語以悟爲接引之
辭如此之徒謾人自謾誤人自誤亦不可不
知日用四威儀中涉差別境界覺得省力時
便是得力處也得力處極省力若用一毫毛

氣力支撐定是邪法非佛法也但辨取長遠
心與狗子無佛性話廝崖崖來崖去心無所
之忽然如睡夢覺如蓮華開如披雲見日到
恁麼時自然成一片矣但日用七顛八倒處
只看箇無字莫管悟不悟徹不徹三世諸佛

只是箇無事人諸代祖師亦只是箇無事人

古德云但於事上通無事見色聞聲不用聾
又古德云愚人除境不忘心智者亡心不除
境於一切處無心則種種差別境界自無矣
而今士大夫多是急性便要會禪於經教上

及祖師言句中擇量要說得分曉殊不知分
曉處却是不分曉底事若透得箇無字分曉
不分曉不著問人矣老漢教士大夫放教鈍
便是這箇道理也作鈍牘狀元亦不惡只怕
挖白耳一笑

答李參政泰

武公

十四

示諭華嚴重疊法界斷非虛語旣非虛語必
有分付處必有自肯處讀至此嗟歎久之士
大夫平昔所學臨死生禍福之際手足俱露
者十常八九考其行事不如三家村裏省事

漢富貴貧賤不能汨其心以是較之智不如

愚貴不如賤者多矣何以故生死禍福現前

那時不容僞故也大參相公平昔所學已見
於行事臨禍福之際如精金入火愈見明耀
又決定知華嚴重重法界斷非虛語則定不

作他物想矣其餘七顛八倒或逆或順或正
或邪亦非他物願公常作此觀妙喜亦在其
中異日相從於寂寞之濱結當來世香火
因緣成就重重法界以實其事豈小補哉更
須下箇註脚即今這一絡索切忌作寓言指

物會一笑

答曾宗丞

天隱

左右天資近道身心清淨無他緣作障只這
一段誰人能及又能行住坐卧以老僧所示
省要處時時提撕休說一念相應千了百當

卷之六

十五

便是此生打未徹只恁麼崖到臘月三十日
閻家老子也須倒退三千里始得何以故爲
念念在般若中無異念無間斷故只如道家
流以妄心存想日久月深尚能成功不爲地
水大風所使況全念住在般若中臘月三十

日豈不能轉業耶而今人多是將有所得心學道此是無妄想中真妄想也但放教自在然不得太緊不得太緩只恁麼做工夫省無限心力左右生處已熟熟處已生十二時中自然不著枯心想懷將心管帶矣雖未透脫諸魔外道已不能伺其便亦自能與諸魔外道共一手同一眼成就彼事而不墮其數矣除公一人可以語此餘人非但不能如公行履亦未必信得及也但於話頭上看看來看去覺得沒巴鼻沒滋味心頭悶時正好著力

切忌隨他去只這悶處便是成佛作祖坐斷天下人舌頭處也不可忽不可忽

大慧普覺禪師書卷第二十八

音釋

驥盧谷切驥
轉也 窩烏禾切挖
窟也 挝託何切

永樂北藏

大慧普覺禪師語錄

第一五六冊